

محمد جمال حسان

محمد الشاعر

همس

أشعار

بالعامية المصرية

الطبعة الأولى مايو 2018

بطاقة الكتاب

عنوان المؤلف : همس
المؤلف : محمد جمال حسان (محمد الشاعر)
التصنيف : أشعار
رقم الإيداع : 2018-10785
الترقيم الدولي : 978-977-85390-9-7
عدد الصفحات : 122 صفحة
رقم الإصدار الداخلي: 195 – الطبعة الأولى مايو 2018

جميع حقوق الطبع والنشر محفوظة للمؤلف، ولا يحق لأى دار نشر طبع ونشر وتوزيع الكتاب إلا بموافقة كتابية وموثقة من المؤلف

دار النيل والفرات للنشر والتوزيع

ثورة مصرية تشرق إبداعاً على الوطن العربي

المدير العام جابر الزهيري

رئيس مجلس الإدارة ناجي عبد المنعم

للنشر والتوزيع

أسسها الشاعر ناجي عبد المنعم

ح.م.ج

رخصة مزاولة مهنة: 58365 – سجل تجاري: 13242 / 2017 – بطاقة ضريبية: 35 – 01 – 572

عضو عامل باتحاد الناشرين المصريين رقم 941 لسنة 2018

هاتف: 01011256943 – 01116202218 – 01202541192 تليفاكس: 020554372901

📞 📧 📱 alniliwaalfourat@gmail.com [alniliwaalfourat](https://www.facebook.com/alnilwaalfourat)

المقر الرئيسي: ح.م.ج محافظة الشرقية – العاشر من رمضان – مجاورة 13 – أمام سنتر الد3 – عقار 304

ح.م.ج محافظة المنيا – أبوقرقاص – شرق التوجة خلف محطة السكة الحديد – هاتف 086214428

ح.م.ج محافظة القليوبية – مركز طوخ – إميأى – هاتف 0132424735

(الفروع)

الإهداء

إلى أسرتي الصغيرة
إلى وطني الأكبر
إلى قرائي وأحبابي
أهدي لكم كتابي الجديد
(همس)
عله يعكس حبي لكم جميعا

الشاعر

محمد جمال حسان

(محمد الشاعر)

تعبت من الكلام

خلاص تعبت من الكلام
والضرب في الميت حرام
بعت ليه قولي بكام
كأن التمن
اشترك بعمرى كله
قلبي بعدك ايه فضلوا
قولى مين يمشي في ضله
من الزمن
واحد واحد ماتبعنيش
بعدك انت ازاي اعيش
خليك جمبي ماتسبنيش
كده للندم

لو على المرار ماشفت غيروا
البركه فيه وكتر خيروا
سايبوا لنفسه ولضميروا
اللي اتعدم

انا ماشي ومش داري

انا ماشي ومش داري
هاروح على فين
كلها ليله في بلادها وتبكي العين
وارجع تاني في الوحدة
عشان واحده وحب سنين
الاقى عيوني خايناني
وفايته القلب في نار وحزين
وأفضل ايامي باعاني
من الذكري مع الغاليين
كانت ايام محلاها
كانت ايام في صباها
كانت أجمل فرحه

كانت أجمل حنين
انا ماشي ومش عارف
هشوفها ازاي
وكل ما فيها بيوحشني
وبدعي الله اكون نساي
من غيرها الموت بيجي
ولو تيجي شوف بحيا ازاي
ده حب اتكتب على جبيني
وعلى عيني اسيبه ازاي
انا ماشي ماتسالي نيش
اعيش اموت أو اموت اعيش
انا ماشي ومتغرب
عشان شغلي واكل العيش
انا ماشي ومش ناسي
قلبي ليكي ماتشكيش

خافي عليه وكمان حايديه
حبك عشقك بيهم بيعيش
انا الماشي واهوان لي الموت
أبوح بحبك أن شاء الله اموت
اخاف عليكى وعلى سيرتك
وارجع تاني ابات في سكوت
وانا من امتى كنت في حبك
يا حبيبي ليا صوت
انا الماشي ومش بالذوق
عيوني في غيابك حرقاني
قلبي مخنوق
ابات الليل اتألم يقتلني الشوق
وعلى سريرى اتقلب من تحت لفوق
ماشفش النوم بعيوني
لا انا نايم ولا بعرف افوق

وانا الماشي ومش ناسي ومش ايوب
انا اللي فى حبك بتعلم ولسه يدوب
انا الماشي وكلي جروح
ولو تروح الروح بتروح
ولو تغيب عن عيني
أهون عليا طلوع الروح
ما انا الماشي وانا المدبوح
انا الماشي في عنيه دموع
فكرك يعني مش موجوع
بصرخ من جوه فؤادي
حرام في حبك اموت ماالجوع
ما انا الماشي وده الموضوع
انا الماشي ورزقي على الله
وكل جرح بيوجعني بقوله اه
بيتعبنى بيالمني ولا بنسأه

ومش قادر اني اعارضه واقوله لا
انا الماشي وقلبي وجعني
بقول الاله ياريت تسمعي
بقول الجرح قتل الفرح
ومتبكيش لو بتودعني
وانا الماشي..

وازاى اقولك

وازاى اقولك على اللى فيه

واللى فيه ميتحكيش

ولو بجد تحس بيه

تعرف انى بيك بعيش

دة انت روحى وانت كلى

وانت عمرى اللى فاضلى

فارجع واقولك متسبنيش

كل اللى فيا ما يتحكيش

#####

بدعى يا ربى تغفرى ذنبى

وازاى يروح دة الروح تروح

ويبقى جمبى
الدنيا عندى ما تساويش
كل اللى فى ما يتحكىش
#####

عارفك بعيد نارى تقيد
واعمل اية انا فى النصيب
نفسى اشوفك اعذر ظروفك
بدعى ربى تكون سعيد
عمرى جمبك ما يتنسيش
كل اللى فى ما يتحكىش
#####

شفت بعينى الفجر

شفت بعينى الفجر
بنات يمين قالعه
يكسر عنية الولد
اللى غصب عنوا طالعة
ماهو عيب نلوم على الولد
والبنت قدامة خالعة
توب الحياء غالى
ولسة النيران والعة
ولو الست جوزها تعبها
يومين تكون خالعة
وتشوف عريس مهاود
لا رايحة فين ولا طالعة
سيبك خلاص من الشرف

كلوا اaaaaaaaaا قرف

الست اليوم بتحکم

والرأجل خلاص إخلاء طرف

وكلوا بالقانون تعيش الفقر

وہما غناء و طرف

شفت بعينى الفجر بنات يمين قلعة

منين اعرف

منين اعرف
انك عايش ميت
بس علشانى
أن وجودك حياة
بيهز كل كيانى
لو ليلة قلت اه
اصرخ واقول اة يانى
على حبك على قلبك
وعلى الهوى اللى خلانى
افوت اهلى وافوت صحابى
وكل خلانى
ومنين اعرف

انك عايش ميت
بس علشانى
ومنين اعرف
ان قلبك انت فى ضلوعى
وان عنيك يوجعوك
لو تنزل انا دموعى
والله حرام تخبى الحب
وتتهى موضوعى
انا كلى ليك
وعمرى وقلبى
والله وشموعى
بس بلاش تبعد وتغيب
من تانى
منين اعرف
انك عايش ميت بس علشانى

سيبك انت

سيبك انت اللى ليك مش باقى عليك
اقفل بابك ولم اشواقك وارحم عنيك
خلاص باعوك فى مزاد ورب العباد عالم
نقص الحب لم زاد ودى اخرتها يا ظالم
كنت الهوى والزاد بعد ما كان القلب سالم
جنيت انا على روحى مالى ومال العشق
خلونى مسخرة العاشقين واتهمونى كذب
اتهمونى باطل يلعن ابوة الحب
بيكرى ناس على ناس والنفس اماره
بتصدقهم ليه قوليلى جبولك منى اماره
اللى بايع بايع ومش هتفرق وانتى بعنى
كل السنين راحت وماتت مبقتيش خلاص بتاعنى
ارحم نفسك وعنيك عيب عليك يا واد تبكى

تعبان يا جلبى

سيبك انت
من اللى جاى
ومن اللى راح
تعبان يا جلبى
وسط ناس ملوك جراح
بكيت بحرقة
والله ما فارقة ولا ترتاح
آخرها معروفة
يا ابو القليب أخضر
ينشف على ضلوعك
دة جزاتنا يا قلبى أن الحبيب
يبيعك ويخرج كمان على طوعك
نصب نفسة قاضى غرام يفتح

مواضيع الناس
وينهى موضوعك
شق الميه شق
وبعد وكيف اجارية
يا قلبي ما كسر إقلوعك
ما انت اللى جايب الغرام
وجاى تبكى
اختشى بالله عليك
وقوم امسح إدموعك
عملت خير فى ناس باعوك
ونكروا معروفك

صباح جديد

صباح جديد
من غيرك يا حب
صباح لسة نادى
بعيد عن وجع القلب
بعيد عن الكلام
والعشق والغرام
فى الشوق لينا سنين
أهو وهم وكلة كذب
والله ما ببعد بس البعد
عند الكرامة فرض
انا الإنسان بطبع ملاك
بعيش على الأرض

اصلى صعيدى
وجلبنى صعيدى
ما بظلم حد
تيجى عليا اكيد هاستحمل
راجل دايمًا ساعة الجد
بس الإهانة وتتهمنى بالخيانة
يبقى حبك نوضع لة حد
شكلك نسيت
انى محمد
يعنى معاك مش أى حد

انا المظلوم

انا المسلم وانا المظلوم

انا الحاكم لكن محكوم

حاكم كنت بكتاب الله

فتنا كتابا واحنا خوات بقينا خصوم

وانا المسلم انا المظلوم

انا الرافض وعشنا عبيد

وكل يوم خصومنا تزيد

يطفوا لى نارى ونارى تقيد

وانا مسلم بجد اكيد

انا المسلم وانا المظلوم

سيبك من وجع القلب

وازاى يكون لك قلب
عايش بية وكمان تحب
خليك ياواد كده
عايش سيبك من وجع القلب
سيبك من اللى تعبك
وخليك فى اللى يعينك
هتلاقى اللى يحبك
وانت هتشيلة فى عينك
فيها ناس كتير
قليل اللى شاريك
كتير اللى بيعينك
مشى الناس علام

أفعال مش كلام
كثير بيقول بحبك
وخسارة فية سلام
تتعلم غصب عنك
فى حلال وفى حرام
مشى الرجال كنوز
ومشى الحريم يزل
تزعل تلوىلى البوز
ياما قبل منك زل
كلامى ليك إمارة
وخلصت لف السوق
مكدب روح وجرب
ودعيلى لما تدوق
المر يسمم حلقك
ساعتها بس تفوق

سببها للخلقك

احنا تحت وهو فوق

وازاى يكون لك قلب

عايش بية وكمان تحب

ماعدش فيها رجوع

أسوء ما في الموضوع
ماعدش فيها رجوع
ولا خو في نفني
ولا صوتي كان مسموع
مدبوح من جوه لجوه
والعين مليانه دموع
صحيح انا جسد ميت
حتى الوجع ممنوع
وازاي تدفنوني حي
وايه التمن وكام المدفوع
هي الحكايه ذل في ذل
وده جزاه اللي راسه مرفوع
اسوء ما في الموضوع

هو الوطن قليل

كلها مستعجله
وركباها القيايل
واللي تشوفوا راجل
الزمن خلاه عويل
تشك في القلوب العميه
ازاي تقدر تميل
انا اللي من صعيدك يامصر
وشارب ميه النيل
ومين يقدر ياخذني
من حضنك صعب ومستحيل
انا ابيع الجسد
بعد الروح

وبعد ربي انتي المنى
بس رجالك قلابه
بس كمان فيكي الأصيل
انا اللى ابويا رباني
على الوفاء ورد الجميل
لتكوني فوق فوق راسي
حد موتى وانا واقف
الخدمه ليا اطلبى
ولو طلبتي انفذ
لو حتى عليل
هو الوطن قليل
والله مهما عملت ليكي
هايفضل قليل

بنات المدارس

اشوف بنات في المدارس
احلف يمين والله مادارس
ولو جابوا الرز منيش دارس
وازاي نتغير
حتى الشباب مالوا عوزه
فالح على القهوة وعلى الجوزه
شبابنا ضاع وبلدوا عجوزه
وازاي نتغير
امك وابوك انت عنيهم
مهما تعمل غالي عليهم
فبلاش حبيبي تعاديهم
وازاي نتغير

لا تلومنى

اراك اليوم تنسى كل ما فينا
تنسى حبا وتنسى قلبا
عاش يوما لاجلك فدعينا
من الحب الذى يروى بشر نفسك
وارحلى بالذكريات اعلا السفينة
فالبحر الذى يملك بحرنا
فبحر الغارب اطهر منا بكثير المرات
لعلى اجد بعدك حبا لايساومنى
اغنى كما كنا ندندن اغانينا
اعيش ف بلدا جديد لانى
اراك اليوم تنسى كل ما فينا
تركت عبق الماضى الردى

الى مستقبلا مجهول
ابحث فيه عن حب قلب
ابحث فيه على الصديق
فابلدنا القديم اصبح ف نفاق
ولا ارانى يوما اعود الى الوراء
مهما طال او قصر الطريق
فلا تلومنى يوما انا من علمتك الحب
وانت من علمنى التصفيق
وغرقت ف بحرك
ولم ترحمى انات الغريق
فصنعى لى قبرا يليق بى
بخيانة حبك حب القديم
ارحلى ولا تنظرى اليا
يكفى اراك اليوم تنسى كل ما فينا

انا شايفك واقف مستني

انا شايفك واقف مستني
في الحب تقول اي كلام
على مسرح قاعد بتغني
جمهورك بيقول يا سلام
والله ظالم وايه يعني
وايه الجديد عيني ما بتنام
وانت مقضيها تسالي
والنعمه حرام

شايقة القمر

شايقة القمر يا جدة صوح وعايله
وعايله يا ولدي الأهم ابوك وعياله
لو يوم قال اه اشيل عنه واعياله
اصيله يا جده ياللي حبك فاق قلبك
حبك اللي غطى عيالك وعدى على عياله

هذا قدرنا

هذا قدرنا هكذا قالت هكذا صدقت
وحمدت ربي على ما فاتني وما قصرت
يعلم الله ما يعلم ولا نعلم كما عانيت وضحيث
كنت لي انفاسي كنت لي حلما وكم تمنيت
كنت أرضا زراعتها وردا وما منها جنيت
شوكا جرح قلبي عذرا كثيرا كثيرا عانيت
استبيحك عذرا رشفت عذرك واكتفيت
انتي من قلت انا انت وانت انا فتماديت

الحكاية إيه

وهي الحكايه ايه
غير شويه وجع
وتنتهي ببكايه
وارجع وحيد فرداني
ابص يمين وشمال
مش لاقى حد معايا
وكأني ما تعلمت واصل
واللي كان عليا دين
راح لصحابه فقول واصل
وأفضل انا الجاهل
وابيع واشتري في جلبي
والناس في قلبي انا تفاصيل
واشمعنا انا من بين قلوب
كل الاحبه غشيم

واشمعنا انا قلبي ينكسر
بيدمر وقلبوا هو سليم
كل القلوب تحط على شبهها
وقلبي انا كانوا عقيم
لا ليه رفق ولا حبيب
ألوم على قلبي
ولا اللوم على النصيب
قادر يارب تريح
امتى الجراح بتطيب
مانيش قادر ولا فاكر
ولا عايز اعيشها غريب
جرحي غريب قلبي غريب
في بيتي غريب حتى لما قلت
احب بعدوني وقالوا نصيب
هي الحكايه ايه غير شويه وجع

واحدہ واحدہ

طب واحدہ واحدہ
من البدایہ کان اعجاب
مش حب ماکنش عشق
باختصار ایش جاب لجاب
وکالعادہ نایم علی ودانک
وفي يوم وليله بتفکر
انا ایہ انا مین
انا فین دہ انا علی الباب
وحیاء امک
باب العشق وتعب القلب
دی لیلہ سودہ دی لیلہ ہباب
وطریق ملوش راجعۃ أولها الحب

وكمآن في آخرها نكون اعراب
ياريت اعراب موضوعنا كبير
ازاي قلب يعشق
يتحول لكره بدون اسباب
بس هي البداية
كده بتبتدي مش عارف
زي النهايه
بتتسرق وبردوا مش عارف
وبينهم يمكن سنين متحسبوش
سنين حب بين اتنين حبايب
كانوا واحد وكمآن مبيتحاسبوش
بس نسيت ان الايام الحلوه
غصب عني من العمر مايتحسبوش
غصب عني لقيتني بحب
وضاع عمري في كلام معسول

سنين عايش على الكافيار
واللاقي نفسي في طبق الفول
ملعون ابوك يا حب
ملعون اللي قال
من القلب للقلب رسول
واحد واحد
من البدايه كان اعجاب

بيوعد ويخلف

كان بيوعد كان بيخلف
وكان بيقولى الظروف
كان وكان كلوا كان
لما نسانى الحروف
لما حيرني فى كلامة
وف امورة وف غرامة
اطلب بس اقابلة يقلى
بكرة لما اشوف
يجى بكرة يقلى بعدة
اصلى بخاف الناس تشوف
عارفة حبينى عارفة شارينى

بس مشارك حبي الخوف
امتى يبطل امتى يجيني
انا والله كثير ملهوف

وقالتلى

كنت محتاجة حضنك ابكى واترمى فيه
كنت محتاجة وجودك بالعالم وال فيه
كنت بحب ضلك واموت واتمشى جمبك
وكل املى اكونلك مراتك شايلة همك
حبيبي انت قلبى اللى ما فارقتى عمرى
ولو قدرت ابعد اكيد الموت غلبنى
لخاطرى متسبنيش الكون ما يهمنيش
الكون لية واحد من غيرة صعب أعيش
كنت محتاجة حضنك ابكى واترمى فيه

امسح دموعك

سيبك انت
من اللى جاى
ومن اللى راح
تعبان يا جلبى
وسط ناس ملوك جراح
بكيت بحرقة
والله ما فارقة ولا ترتاح
آخرها معروفة
يا ابو القليب أخضر
ينشف على ضلوعك
دة جزاتنا يا قلبى أن الحبيب
يبيعك ويخرج كمان على طوعك

نصب نفسه
قاضي غرام يفتح
مواضيع الناس
وينهى موضوعك
شق الميه شق
وبعد وكيف اجارية
ياقلبي ما كسر إقلوعك
ما انت اللى جايب الغرام
وجاى تبكى
اختشى بالله عليك
وقوم امسح دموعك
عملت خير
فى ناس باعوك
ونكروا معروفك

العيد جاى

العيد كالعادة جاى دائما فارد قلوعه
والمر شاربة سادة والحزن بقيت فى طوعه
كان نفسى نكون زيادة بس التراب أهو لم
خد منى الحبايب وادينى عايش من غير دم
أمانة انا قلبى دايب وكتر عليه الهم
الله يرحمك يا ابويا ومراتى
ويرحم معاكم الخال والعم
الليلة وقفت عيد وبالدموع بدعى
والغالى عنى بعيد وفى الجروح مدعى
راحوا من غير مواعيد ابكى على اللى اتقطف بدرى
والعيد كالعادة جاى دائما فارد قلوع

الجراح

كل الجراح تعدى تقوى قلبى ما تخفيش
الخوف تنسى حبى بعدك انت ازاي اعيش
اتحملت عشانك ليالى سنين طوال
مجاش على بالى انك تبغنى شئ محال

اسال عنى العذاب ويا الجراح ويا الانين
اسال قلبى اللى داب من الغرام ويا الحنين
اتعذبت عشانك وشفقت منك كتير
بس غصب عنى كان قلبى ليك اسير

خلاص بعث الجراح بعث العذاب بارخص تمن
تعبت من حياتى ومن جراحي من الزمن
اتغيرت عشانك بقيت انسان جديد
عشان اعرف اجره وقلبي يكون شديد

الى بينى وبينها عشرة

الى بينى وبينها عشرة
ماضى حلو وجاى جديد
خلتني اغنى غنوة
للمصاب بعد الشهيد
وانسى الحزن يوم الفرح
وانسى الجرح يوم العيد
الى بينى وبينها عشرة
شفت بنات زى الرجالة
والرجاللة واقفه اسود
ومؤمرات علينا شغالة
بس مصر بكرة تعود
يارب تكوني ف احسن حالة
ويسلم جيشنا على الحدود

الى بينى وبينها عشرة
شفتى عمى بيبنى فيكى
ومرات عمى بتقويه
وعسكرى قاعد وببحميكى
واموا بتدعى خايفة عليه
والفلاح بيزرع ليكى
احلى اكل بناكل فيه
ماللى بينى وبينها عشرة
شفتى العامل فى البترول
بيقول مصر وبيقول غارب
يصحى يلبس الافرول
ماهو من ميه نيلك شارب
شوفى كام بير جوى الحقول
وعمروا فداكى معاه مش فارق
ما الى بينى وبينها عشرة

يا ام الجمال فضاح

عيونك سرقانى
يا ام الجمال فضاح
والقلب بيعانى
يا ام الخدود تفاح
بجد بايعانى وتقولى
على شبابى راح
وانا اللى من غيرك
ماعرفت يوم ارتاح
جبت قلبى على كفى
والدم مالينى
قلت اهديكى بيه
قلت هادينى وقتلى
يا محلى العلم اللى فى ايدك
قلت دى شرايينى

قالت احمر
وابيض واسود قلت آه
وحياة ربي
وسيدنا النبي ودينى
ان الحمار دمي والبياض
قلبي والسواد لونى
يا ام العباية
تلت تلوان ونسر
ومن يومها
بقى لون علمك يا مصر
انا قلت لولدى
قوم شد فى الدفاع حيلك
شرفك وعرضك
ووطنك هو الذى باقيلك
وبكفاياك يا ولدى

قعدت امك
فى البيت بتدعيك
شد سلاحك
على كتفك وعدى للضفة
المرجلة لينا
احنا ولليهود طرحة
حتى مرتك تستناك
ومجهزة الفرحة
شائلة فى حشاها
الولد يصرخ يقول ابوى
وقلبها يرد عليه
ابااى الوطن
ولا بوك يقول الوطن
وميت ود الشهيد
يكون يتيم

ولا يعرف الكسره
ده جاهز كمان بسلاحه
جاهز لندى بكره
حالف يجيب حق ابوه
ويدوقهم الحسره
عرفتوا ان الشهيد شهيد
وولده معاه وخدها وراثه
سواء كان عامل
او فلاح او بيذاكر من كراسه
احنا الدرس فهمنا
وبندرسوا لولادنا دراسه
ان الغنى مش فلوس
ولا تسكن فى الف قصر
الغنى مرجه وشهامه
ملهاش مكان غير فى مصر

إِظْلَمِينِي

وايه غايته في الحياة
غير بس تظلميني
زى جاحد هد ال بناء
نفسى فى يوم تفهميني
تروحي شمال اجيكي
تروحي يمين تلاقيني
فاكرة حبي ليكي
ضعف تبيعي فيا وتشتريني
لا يا قلبي ليكي
رف يوم ما تيجي وتجرحيني
بس انا قلت يوم تعقل
لازم فى يوم تتقل
كنت بستانك يا وردة

وجه اليوم الوردة تدبيل
وردة عاشت وردة ماتت
بس عيونى حاش الله تدمع
وشاهدة كل الناس
والحق من ربى فشوف واسمع
مين اللى ظلم مين ومين
اللى جرح مين ومين
اللى عنيه خاينين
فمترجعش تشكى وترجع
تانى تبكى وجايا اليوم تداوينى
واية غايتك فى الحياة
غير بس تظلمينى
قلت بحبك مليون مرة جيتلك
عاشق شوفى كام مرة
بيا حياتك بقيت حلوة

وبيكى حياتى صبحت مره
لية فاكرانى دايم قاعد
انتى وقلبي هرميكوا بره
الحب عرفناه للنسوان
والرجالہ فى بلادنا حره
والضعف عندى اصله
قوه فنفسك ترجعيلى
كان ع عينى
وايه غايتك فى الحياه
غير بس تظلمينى

عليه العوض

لما تكون بتحـب الدنيا *** وتجرى وراها ثانية بثانية
تجنـى فلوس تجرح تدوس ** يبقـى قلبك دة حاجة ثانية
وعليه العوض

لما تكون مش شايف غيرك * بايع الكل حتى ضميرك
تتمنى الفوز وتبنى نفوذ * ابعد عنى وكتر خيرك
وعليه العوض

لما تكون عايش ومفـيش ** حاجة حلوة فيك بتعيش
كلت حرام مش بس كلام ** وفاكر ان الناس طرابيش
وعليه العوض

لما انت مش خاينه

لما انت مش خاينه
وحبك ليه طاهر
تبيعى ودى لية
وتشتري المظاهر
بسمتك فى وشى تبان
والسم جواكى مش ظاهر
تعبت انا من النسوان
والغدر جواهم فى القلب
تامرها تقول حاضر
ولما انتى مش خاينة
شوفت فيها العبر

وكل الصفات اللوان
فى يوم بتبقى بشر
وفى عشرة تبقى شيطان
ترسم دور الوفية
واشرف منها التعبان
تشوفها تقول وليه
تطلع غدر الزمان
ولما انتى مش خاينة
تعبت فيها تحاليل
والقلب مش طايق
دكتورى يقول تحاليل
على القلب ال مش طايب
خايف اموت من الحسرة
واتفضح فى القصايد
يا ناس شوفولى حل

اموت شديد القلب
ولا اموت دايب
ولما انتى مش خاينة
هطلع انا الخايب

أمازلت ؟!

امازلت يا قلبى تدب
تدق تعشق تحب
امازلتبعد العناء
والشقاء والحزن والبكاء
فكنت اظنك عفوا
فى احشاء مت
فهل بعد عشقك عشق
وحبك حب
مولودا انت فى زمن
لا يعرف شئ عن ود
صادقا انت يا قلب
لا تعرف شئ عن كذب
امازلت يا قلبى تدب

تدق تعشق تحب
هراء هذا ام جد
عجبت لك وللحب
يبيع القلب كالرق
والجسد سار منهمكا
لا يزيد عن عبد
ساتركك وحيدا
فوادعا يا قلب

أقولك إيه ؟!

اقولك ايه

وانا شايف الحزن فى عنيكى

يا اغلى من روحى

ومولود على ايديكى

بس الظلم كتر

بصى شوفى حواليكى

تلاقى ولادك محرومة

مسلوبة منهوبة

برة الشركات مطرودة

غصب عنى لازم اقولك

غصب عنى لازم تعرفى

ما انتى اهلى وانتى ناسى وانتى امى

حقك على يا غارب
فداكى دمعى ودمى
بس مش بايدى
انتظلم واخويا معايا
والاقي شباب بره
البلد تاكل شقايا
مش حرام
يا ما نواب ظلمينك وظلمانه
والبلد حلتها تعبانه
بس غصب عنى ده
كل زاد على همى
واقولك ايه
وانا شايف الحزن فى عنيكى
لما اصحى الصبح بدرى
والاقي الناس بتجرى

على رزق مش موجود
شغال فین یا سویسی
شغال فین یا منوفی
فی شرکتات بترول
بترولا والله کبیر
ومشغل شباب کتیر
الا شبابا احنا
واسال لیه
یا ناس یقولوا
ملکومش فیها اساس
انتوا کبیرکم تبنوا
شرکات وتشموا غاز
وراء غاز
انتوا کبیرکم تغنوا
على السمسمة

والدق على المرواس
ظلم اية وجبروت ايه
انا صدرى ضاق خلاص
اصرخى يا غارب وابكى
يا بحر على شبابك
الا راح فى الهم
والزل ال نابك
وزير بترول رايح
وزير بترول جاى
فبلدنا كلها فضايح
استنا الدور الجاى
ال مش جاى
متقولى يا بترودارا
انتى ناسك منين
وانتى يا ست جابكو

خيرك كلوا فين
ودارا كمان تقول
ناسى من الفيوم
وجابكو تقول خيرى
على الكل وابن غارب منى محروم
وانت يا جبل الزيت ساكت لية اتكلم
فين سوكو وبتروزيت وبترو جلف
ولا هى شركات تدور علينا وتلف
فين اوسوكو فين مجويش
ولا شباب غارب مش هتعيش
وانتى يا عامة يا ام الكل
سايبا ولادك تاكل ترابك
وتقولى زى الفل
ولا سيمتار احتارنا
والتعين فيها اسرار

غير شركات السرفيس
تعين لنا متلقيش
فامرئ لله اشتغل
عامل وبلاش تعين
وراء مقاول نبني شركات
ونديها لغيرنا
ونموت من الجوع
وهما ياكلوا خيرنا
فاقولك اية وانا شايف
الدمعة فى عيونك
يا اغلى من روحى مين
بس ال بيخونك

مش عارف

مش عارف مين اللى فارق مع مين
ومين اللى بجد مش فارق
ومين فينا دايم فيها ومين اللى حى
ومين اللى ميت ومفارق
مين اللى حبه جوة قلبة محبوس
ومين اللى حبة صقر فى الهواى فارد
شارد كمان باعة مين اللى اشترى
الحب ومين باختصار باعة
الف وخمسميه سؤال لا عرفنا رد
ولا نحدد الحب فعلا ولا اوجاعة
هو انت اية يا حب ؟
واشمعنا بس القلب بتقطع اوتاره
لو حكمونى عليك يممين هبكى عنيك

واعملك قصة فى كتاب تشرب فيها العذاب
وتكون عنوانه

يا حب حرام عليك انا شكوتى منك ليك
روح الله يجازيك بتعب العاشق وافعاله
شوف كام بنية اتظلمت وقلوبهم صبحت رماد
لياليهم كانت هنا وفى ليلة قلبتها سواد
مين اللى علق قلوبنا باسمك أن كان بنت أو واد
عارفك شريف نظيف بس الزمن مش ليك
أمانة بس عليك ترحل قبل ما تبقى خراب

لما أسأل البنت

لما اسال البنت
ماشى غلط لية مش عارف
تقول لى اكل منين
واشرب انت مش شايف
هو الدين قلنا كده
واحل ازى لما مفيش لله
ال بيعمل خير
مع بنت عايز يوم يلقاه
فلوس مفيش واكيد الندل معاه
لا الاخوان قالوا عيب
ولا حتى الفلول
مين ال يرضى بكدة ده

احنا قدوتنا الرسول
خدوه الكرسي وشيلة هم البلد
مهوا عيب نجرى ع كرسي
والبنت يهينها ولد
يا رب ادين البنت
ع مشيها ولا ادين البلد
ال عيشين فيها
ويا ريت ولدى فيها ما يتولد
يمكن كمان تيجى
بنت واموت ومتلقيش تاكل
تمشى غلط

الوجع

الوجع لو كان بلد
وجه فى يوم دبح الولد
ما يبقاش شهيد
العيب مكنش فى البلد
العيب اكيد على الولد
انوا قبل انوا صبر
انه يموت من غير سبب
الوجع لو كان بلد

الوجع لو كان فينا ساكن
عمرى ما اصرخ بس ساكن
ويفرق اية ازاي ولية
خدى كلامى بس لكن

حس بيا خاف عليا
مش ثوابت الأماكن
بكرا ليا بعدوا ليك
تيجى عليا ادوس عليك
اوعى تنسى يوم بجد
انى جرحى لسة ماكن
غصب عنى يوم تخونى
المقابر ليك مساكن

الوجع لو كان عذاب
لو يموت تحت التراب
فالعذاب هو العذاب
لون غطيس زى الغراب
لما تلقى جوة بلدك
كل حلم فية سراب

مش هنتغير والخراب هو الخراب

الوجع لو كان خطر

انى اموت طبعا قدر

بس اللى ما على بالى خطر

انى اموت فى سيلك يا غارب

والسبب حبة مطر

الوجع لو كان بلد

معادلة بسيطة

كلها كده بقيت بتعيش
حبة رقص وناكل عيش
معادلة بسيطة وفكرة عبيطة
معها كمان حبة تلطيش
كلوا حرامى وكلوا بيسرق
بس الفرق فى السرقات
والبرغوت تعرفه من دمة
زى ما شفنا فى الحكايات
والغريب كدة مش ف حرامى
الغريب دايمًا مسروق
عارف مين بس بيسرق
ساكت عامل فيها أيوب
يمكن خايف يمكن فاهم

أن السارق يوم هائتوب
يا بنى سنين عدت على عينك
مفهاش توبة دى ناس بيعينك
ناس عايشين بس ع جبينك
وليك المش والله يعينك
بس آخرها الكل حساب
فكرك يعنى انك تتساب
هتخش النار وهتتساب
يكفى سكوتك م الاسباب
خاف يا حبيبي خاف على نفسك
صدق المولى مع ال كداب

كما كنا صغار

لا ارانى اراكى كما كنا صغار
كنتى الماء لى وكنت لكى النار
كنت اعشقك بكل جوارحى
وحينا علمت بدينى محرما على حبك
فرجعت مسرعا باكيا على القرار
كما وددت حبكى ولكن يعلو دينى
وكما غرقتوا ف حبك واعلم انكى تحبينى
فلا انا لها ولا انتى فهل لاجلك اخسر انا دينى
لا ولا ولا والاف من الرفض
فقولى ما تقولى عليا رنى لي وراسلينى
فلا انا براد عليكى ولا بعد اليوم تعينى
فهذا قدرى احمل الدين ف قلبى وجبينى
ابيع العمر وابيع الاب والام واقطع شرايينى

لاجل ربا جل جلاله ونبيها صادقا امينى
فلا ارانى اراكى كما كنا صغار
احببتك لدرجة الجنون لا اكذب
وعشقتك عشقا ولكنى ف عشقك لا اسجد
لان السجود لله وحده وانا لغيره لا اعبد
فانسى كل ما كان فانا لست حبيبك
القى بكل شئ ف كل ما كان
فانا اعشق الله الذى يقول كن فكان
فلكى دينك مجروحتى ولى ربا جعلنى انسان

انا מבחש التهديد

حبیبی قالى یا انا یا القهوة وانا מבחش التهديد
بس بخاف یجى على سهوة وانا راجل شرقى وعنید
رکبت دماغها رکبت دماغى مش بالساهل اقول وأعيد
تخبط دماغها فى اتخن حیطة کلمتى واحدة کارة التنطیط
الستات مش بتمشینا هتمشیک هتبقى عبط
اتعلم وافهم کدة منى ادینى عایش من غیر قهوة
هى القهوة تهد البيت

لسه يا بوي واحشني كلامك

لسه يا بوي واحشني كلامك
كنت فكرنا حتي في احلامك
بعدك يا با انا الخسران
لا اخ نافع ولا حتي جيران
واحلي الايام ايامك
بعدك يا باه والله ما فيش
حتي كريم في غيابك يبكي
يبكي يقول جدي ماخذنيش
عيني تدمع مابيديش
كان متعلق وروحه فيك
ينام في حضنك ويصحي بيك
تصدق ياباه ولادي اتظلمت

امهم ماتت بعدك واتدفت
وانا معرفش احن عليهم
شايف اليتيم يابوي في عنيتهم
ساكت وايه هغير اديني حوليتهم
لسه يا بوي وحشني كلامك

همس

همس الليالى تكون لما انت تكون
يحرم عليا الهوى يحرم عليا اكون
انت الدفى ساعة صفى انت السكون
انت الغلى غلى روحى ورب الكون
انى عاشق تراب القدم من غيرك انا مدفون
ولو العشق عاصي انا عاصي على العاصي
عشقتك بجلبي وعشقتك في الجليب راسي
وجعت الفواد وياك وجعت لى كمان راسي
الله يجازيك بفعالك بحق ما جرححت احساسى

كل حته فيك حكايه

كل حته فيك حكايه
ليها بدايه مش نهايه
يكفي انك جوه مني
يكفي بس تكون معايا
كل حته كل حته كل حته
فيك حكايه
كل حته فيا بتناديك
حتى قلبي كله ليك
مهما تغند بموت في عنيك
جلبي عندك مش جوايا
كل حته كل حته كل حته
فيك حكايه
كل حته مشينا فيها

غصب عني بحن ليها
واللقي روعي عيشه بيها
بحلم واغمض ويزيد بكايه
كل حته كل حته كل حته
فيك حكايه

حبي ليك

حبي ليك ده اللي مخليني
صابر على الايام وسنيني
حبك انت اللي بيحميني
من غدر الزمان

كل ايامي انا ليك
بدعى ربي انوا يخليك
يكفي اني جوه عنيك
بحس الأمان

ازاي بس عايزني افكر
اني ابعد يوم أو اقدر
انت حياتي وبيك انا بسهر
غصب عني في أي مكان

روحي ليك والله ترخصلك
من معروفك ومن اصلك
يكفي ولادي يكونوا من نسلك
انا زهقت الحرمان

بافتش عليکي

بافتش عليکي جوه مني کائي ناسي
ما انتی جوه وانتي بره وکل ناسي
طب واحده واحده واسرقيني
ما انتی عارفه يا ضي عيني
اني ليکي وبين ايديکي
هو ذنبي حب جلبی
غصب عني بيناديکي
يا بت انا من الجنوب
مش عاصي لکن هتوب
ما اللي ربایته راجل

تحرّم عليها الذنوب
قالوا الحب عيب فبعد
اوعى يا بني يوم تغد
كفك في أيدي واسمع يا سيدي
تربه جاهز قدري ونصيبي
يوم ما تعشق هتكون ضعيف
وانت راجل مش خفيف
كله خير جلبوا نضيف
والله اسف رغم اني بحبك
عاداتي كانت قبل منك
كلمة جاحده جوه مني
وشاقه جلب جلبي
علمتيني الحب انتي
وابويا قالي اخبي

دعيني احبك

دعيني اضع يدي على معصميك
كي اعصرها واتفقدھا
ان اشرب الخمر من مبسمك
كي اترنح وانا اتذوقھا
دعيني اتفقد اسفلك واعلاك
ويمينك ويسارك
لعلی اجد ف جسدك الرائع
كهفی المفضل
انسى فيه كل شئ انسى حزنى المبجل
دعيني ارى تضريس جسدكى بكل ما فيه
من يابس وتلال وجبال هذا كل ما اعنية
اتركينى اقول سبحان الله خالق جسدك وبنيه

ما اروعكى حبيبتي
فانت الكون كله وما فيه
دعيني اضع يدى على معصميك
كى اعصرها واتفقدھا
فلا تتلعمسى خجلا منى
فانا منك وانتى من دمی
دعینی اراكى على ما انت
فيه دعینی علیكى ارتمی
اتذوق اصول الحب منك
ووتتذوقی انتی من فمی
لعلى تكونی حبی الاول والاخیر
الى میتمی
فعشت بدونك سنین
وجئت الیکى احتمی
من نارى وهمی وحیرتى

وفى كهفك الصغير اغتنى
من الناس والجن
وتظلى وحيدة معى
فسبحان الله المصور الكريم
المبدع الغنى
دعنى اضع يدى على معصميك
كى اعصرها واتفقدھا
لعل هذا يرحنى ويريحك
يرضىنى ويرضىكى
فان الحب منك
انتى اجمل حبيبتى ما فىكى
دعنى اتبجح معكى لاقصى الحدود
فانا اتمنى ان القاكى
ف يوما موعود
نتصارع معا على فراشنى

والغطاء لنا ممدود
نفعل ما شأنا وقت
ما شأنا فالحياة بكى تعود
دعيني دعيني دعيني دعيني
فلا تساليني لما كثرة دعيني
فدعيني احبك
وارئى كيف ستمنعيني

باختصار

باختصار انا جاى اقولك
قلبي حبك من وانت بعيد
يسالونى يوم ما اقابلك
رد واضح بكون سعيد
يكفى أنك بتفضلينى
أكون ملك وسط العبيد
وحبى ليكى اللى مخلينى
عايش حياتى بجد اكيد
والبعد عنك على عينى
وفى سيرتك بس بقول وبعيد
حافظ حياتك بجدارة
وفى جامعة حبك هبقى معيد

أنطق وقولها قبلنى
تلقينى اجيالك ناسى المواعيد
يا رب ايت اسكندرية
واسمك على الوريد
باختصار انا جاى اقولك
قلبي حبك من وانت بعيد
باختصار انا جاى شارى
شارى قلبك ودة اختياري
قولى ردك طفى نارى
ياريت تساعدنى على قرارى
انا دكتور لعنيك
وانت ليا الاستشاري
باختصار انا جاى وشارى

اللى فاكراه

اللى فاكراه فى يوم اخويا
زى ضل امى وابويا
ده اللى دبحنى وضهرى محنى
وكان لى نصيب اللى فاكراه يوم بعيد

دبح الصحاب والغدر بيين
دبحهم قاسى ومش حنين
كلة سهل كلة كلة هين
والزمن ما كان عجيب
اللى فاكراه فى يوم بعيد

اللى فاكرة زمان حبيبي
كبر ورفرف يوم على ايدى
بكى عينى وجرح جليبي
جرح غالى مالوش طبيب
اللى فاكرة فى يوم بعيد

محتوى الكتاب

2	بطاقة الكتاب
3	الإهداء
4	تعبت من الكلام
6	أنا ماشى ومش دارى
11	وازاى أقول لك
13	شفت بعينى الفجر
15	منين أعرف
17	سيبك إنت
18	تعبان يا جلبى
20	صباح جديد
22	أنا المظلوم
23	سيبك من وجع القلب
26	ماعدش فيها رجوع
27	هوه الوطن قليل
29	بنات المدارس
30	لا تلومنى
32	أنا شايفك واقف مستنى
33	شايفه القمر
34	هذا قدرنا

- 35 الحكاية إيه
- 37 واحده بواحدة
- 40 بيوعد ويخلف
- 42 وقالتلى
- 43 إمسح دموعك
- 45 العيد جاى
- 46 الجراح
- 47 إالى بينى وبينها عشره
- 49 يام الجمال فضاح
- 53 إظلمينى
- 56 عليه العوض
- 57 لما انت مش خاينه
- 60 أما زلت
- 62 أقول لك إيه
- 68 مش عارف
- 70 لما أسأل البنت
- 72 الوجع
- 75..... معادلة بسيطة
- 77 كما كنا صغار
- 79..... أنا مابحبش التهديد
- 80 لسه يابوى واحشنى كلامك

82 همس
83 كل حته فيكى حكايه
85 حبي ليك
87 بافتش عليكى
89 دعيني أحبك
93 باختصار
95 إالى فاكراه
98 محتوى الكتاب